

Servizo de
CONTRATACIÓN

CONCELLERÍA
DE
CONTRATACIÓN

CONCELLO
DE VIGO



ACTA DA MESA DE CONTRATACIÓN DO 31 DE XANEIRO DE 2019

Na Sala de reunións do Servizo de Contratación da Casa do Concello de Vigo, ás 12:35 horas do día 31 de xaneiro de 2019, réunese a Mesa de Contratación do Concello de Vigo convocada polo presidente o 29 de xaneiro, para tratar os asuntos da orde do día que figuran na convocatoria.

Asisten á reunión da Mesa de Contratación:

Presidenta: D^a. Nuria Rodríguez Rodríguez

Vocais: D^a. María Isabel Fernández Gabriel
D^a. Olga Gómez Corbal
D. José Riesgo Boluda
D. Jesús Núñez-Torrón López (asiste aos puntos 8 e 4)
D. Óscar Couce Senra, como vogal suplente de D. Jerónimo Centrón Castaños (asiste ao punto 10)

Secretaria: D^a. Ángela Fernández López

Aberta a sesión pola Sra. presidenta procédese a tratar os puntos incluídos na orde do día:

8.- Entrega e, no seu caso, aceptación dos informes de valoración dos criterios de adjudicación nos procedementos abertos, negociados e restrinxidos

a) Procedemento aberto para a contratación do servizo de teleasistencia domiciliaria (178.230-301) (informe sobre B)

A secretaria le o listado de licitadores presentados a este procedemento segundo consta no certificado expedido polo Rexistro Xeral e pregunta aos membros asistentes se teñen algún conflito de intereses con algún dos licitadores. Ningún dos asistentes manifesta ter conflito de intereses cos licitadores.

Entrégase o informe asinado pola diplomada de Traballos Sociais e o xefe da Área de Benestar Social o 29 de xaneiro de 2019 de valoración do sobre B "*proposición avaliable mediante xuízo de valor*" que é aceptado por unanimidade dos membros da Mesa. Acto seguido publícase no perfil de contratante.

4.- Apertura económica

a) Procedemento aberto para a contratación do servizo de teleasistencia domiciliaria (178.230-301)

Pola Secretaría e a Presidencia procédese, en acto público, á descriptación dos documentos que compoñen o sobre C "*Proposición avaliable mediante fórmula*" dos licitadores presentados e admitidos co seguinte resultado:



Copia do documento - Concello de Vigo	Data impresión: 03/05/2024 00:21	Páxina 1 de 5
ACTAS PERFIL CONTRATANTE	CSV: ACA541-CD273E-C64548-Q8SZ15-ECF3WK-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

	Licitador	Redución prezo (c/IVE)	Chamadas semanais seguimento todas as persoas usuarias	Liña telefónica móbil para un 2% das persoas usuarias
1	CASER RESIDENCIAL	11,73 €	si	si
2	QUAVITAE SERVICIOS ASISTENCIALES, S.A.	11,32 €	si	si
3	EULEN SERVICIOS SOCIOSANITARIOS, S.A.	12,30 €	si	si
4	CRUZ VERMELLA ESPAÑOLA	12,50 €	si	si

Todos os licitadores presentan o orzamento detallado esixido no PCAP.

Asisten á apertura D^a. Ana Villar Cebral, con DNI *9.46*.6**, en presentación de DOMUSVI (QUAVITAE SERVICIOS ASISTENCIALES, S.A.) e D^a. Lucía Barciela García, con DNI *6.1*2.**2, en representación de EULEN SERVICIOS SOCIOSANITARIOS, S.A. As actas de asistencia asinadas figuran no correspondente expediente.

A Mesa, por unanimidade dos membros presentes, acorda solicitar informe sobre a referida documentación económica ao servizo xestor.

10.- Propostas de adxudicación

a) Procedemento aberto mixto para a contratación das obras de "Implantación de vía verde sobre antigo trazado ferroviario entre Teis e Urzáiz" e o mantemento das zonas verdes, do mobiliario urbano e das instalacións eléctricas (117-441)

LEXISLACIÓN APLICABLE

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto legislativo 3/2011
- Prego de cláusulas administrativas particulares que rexe o procedemento aberto mixto para a contratación das obras de "Implantación de vía verde sobre antigo trazado ferroviario entre Teis e Urzáiz" e o mantemento das zonas verdes, do mobiliario urbano e das instalacións eléctricas (117-441)

ANTECEDENTES

Primeiro.- A Xunta de Goberno local na sesión que tivo lugar o 28 de xaneiro de 2019, adoptou o seguinte acordo:



Copia do documento - Concello de Vigo	Data impresión: 03/05/2024 00:21	Páxina 2 de 5
ACTAS PERFIL CONTRATANTE	CSV: ACA541-CD273E-C64548-Q8SZ15-ECF3WK-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Servizo de
CONTRATACIÓN

CONCELLERÍA
DE
CONTRATACIÓN

CONCELLO
DE VIGO



“Primeiro.- Excluir deste procedemento aos seguintes licitadores, por conter as súas ofertas valores anormais ou desproporcionados, sen que se tivesen xustificadas, ben porque non presentaron xustificación ningunha en prazo ou porque non se cumpren os requisitos para consideralas xustificadas consonte o informe asinado pola enxeñeira industrial de Vías e Obras e o enxeñeiro de Camiños Canais e Portos municipal - xefe do Servizo de Vías e Obras e Infraestruturas o 23 de xaneiro de 2019:

1. AUDECA, S.L.U.
2. NAROM, S.L.

Segundo.- Clasificar, de acordo cos criterios de adxudicación sinalados no prego, as proposicións admitidas neste procedemento aberto mixto para a contratación das obras de “Implantación de vía verde sobre antigo trazado ferroviario entre Teis e Urzáiz” e o mantemento das zonas verdes, do mobiliario urbano e das instalacións eléctricas (117-441) na seguinte orde descendente:

	Licitadores	Puntuación total
1	UTE PRACE SERVICIOS E OBRAS, S.A. - EXCAVACIONES Y TRANSPORTES MANUEL RODRIGUEZ, S.L.	95,92
2	XESTIÓN AMBIENTAL DE CONTRATAS, S.L.	91,66
3	MISTURAS OBRAS E PROYECTOS, S.A.	90,60
4	CONSTRUCCIONES OBRAS Y VIALES, S.A.	90,40
5	ORECO, S.A.	90,11
6	UTE CONSTRUCTORA SAN JOSÉ S.A. - EL EJIDILLO VIVEROS INTEGRALES, S.L.	76,14
7	PETROLAM INFRAESTRUCTURAS, SOCIEDAD LIMITADA	47,89

Terceiro.- Requirit ao licitador clasificado en primeiro lugar, UTE PRACE SERVICIOS E OBRAS, S.A. - EXCAVACIONES Y TRANSPORTES MANUEL RODRÍGUEZ, S.L., para que presente, no prazo de dez días hábiles, a contar desde o seguinte a aquel no que reciba o requirimento, a seguinte documentación (artigo 150.2 LCSP):

1. Declaración responsable de non estar incurso en prohibición de contratar.
2. A documentación esixida nas cláusulas 8 e 22 do prego de cláusulas administrativas particulares (PCAP).
3. Resgardo da garantía definitiva esixible de acordo co disposto na cláusula 24 do PCAP”.

Segundo.- Este acordo foi notificado ao licitador clasificado en primeiro lugar, UTE PRACE SERVICIOS E OBRAS, S.A. - EXCAVACIONES Y TRANSPORTES MANUEL RODRÍGUEZ, S.L., o día 29 de xaneiro de 2019, que presenta a documentación requirida o 31 de xaneiro de 2019, dentro do prazo concedido.



Copia do documento - Concello de Vigo	Data impresión: 03/05/2024 00:21	Páxina 3 de 5
ACTAS PERFIL CONTRATANTE	CSV: ACA541-CD273E-C64548-Q8SZ15-ECF3WK-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Terceiro.- A Mesa de Contratación na sesión do 31 de xaneiro de 2019 revisou a documentación presentada, sendo esta correcta, polo que acordou, por unanimidade dos membros presentes, propoñer ao órgano de contratación a adxudicación deste procedemento.

FUNDAMENTOS XURÍDICOS

Primeiro.- A nosa lexislación contractual impón ao órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase aos licitadores e, simultaneamente, publicarase no perfil de contratante no prazo de quince días (artigo 151.1 LCSP).

Recibida tanto a documentación presentada polo licitador clasificado en primeiro lugar UTE PRACE SERVICIOS E OBRAS, S.A. - EXCAVACIONES Y TRANSPORTES MANUEL RODRÍGUEZ, S.L., como a solicitada de oficio pola Administración municipal e, comprobado que esta é correcta, procede adxudicar este contrato.

Segundo.- A competencia para formular a proposta de adxudicación ao órgano de contratación correspóndelle á Mesa de Contratación. A proposta realizarase a favor do licitador que presente a proposición que contivese a oferta economicamente máis vantaxosa de conformidade co prego de cláusulas administrativas particulares que rexe a licitación (artigo 22.1.g RLCSP).

A oferta coa mellor relación calidade-prezo para a administración contratante é a formulada pola UTE PRACE SERVICIOS E OBRAS, S.A. - EXCAVACIONES Y TRANSPORTES MANUEL RODRÍGUEZ, S.L., de acordo cos informes de valoración das proposicións avaliadas mediante xuízo de valor e das proposicións avaliadas mediante fórmula, de datas 10 e 23 de xaneiro de 2019, respectivamente.

Terceiro.- A competencia para a resolución deste expediente correspóndelle á Xunta de Goberno local (apartado 4 da disposición adicional segunda da LCSP), na súa calidade de órgano de contratación.

En base ao que antecede, propónse á Xunta de Goberno local como órgano de contratación, en uso das facultades que lle confire a lexislación vixente, a adopción do seguinte acordo:

"Adxudicar á UTE PRACE SERVICIOS E OBRAS, S.A. - EXCAVACIONES Y TRANSPORTES MANUEL RODRÍGUEZ, S.L. o procedemento aberto mixto para a contratación das obras de "Implantación de vía verde sobre antigo trazado ferroviario entre Teis e Urzáiz" e o mantemento das zonas verdes, do mobiliario urbano e das instalacións eléctricas (117-441) coas seguintes condicións:

- a) O prezo total do contrato é de 1.135.819,99 euros, sendo a cota correspondente ao IVE de 197.125,78 euros.
- b) Propón un incremento do período inicial do servizo de mantemento de



Copia do documento - Concello de Vigo	Data impresión: 03/05/2024 00:21	Páxina 4 de 5
ACTAS PERFIL CONTRATANTE	CSV: ACA541-CD273E-C64548-Q8SZ15-ECF3WK-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Servizo de
CONTRATACIÓN

CONCELLERÍA
DE
CONTRATACIÓN

CONCELLO
DE VIGO



- zonas verdes e mobiliario urbano de 4 trimestres (6 trimestres en total).*
- c) *Propón un incremento do período inicial do servizo de mantemento das instalacións eléctricas de 4 trimestres (6 trimestres en total).*

Non tendo máis asuntos que tratar, a presidenta declara finalizada a sesión ás 13:05 horas. De todo o tratado eu secretaria dou fe.

(Documento asinado dixitalmente polos membros da Mesa asistentes a esta sesión)



Copia do documento - Concello de Vigo	Data impresión: 03/05/2024 00:21	Páxina 5 de 5
ACTAS PERFIL CONTRATANTE	CSV: ACA541-CD273E-C64548-Q8SZ15-ECF3WK-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		